



1. **Da drobn aufn Bergal**, da steht a Kapelln,
da kimmt da Herr Pfarrer zum Erdäpfi stehln.
Holladiria, holladio, holladiria, holladio.
2. Steig aufi aufs Bergal, schau obi in See,
da schwimmt da Herr Lehrer auf an Packerl Kaffee.
Holladiria, holladio, holladiria, holladio.
3. Da drobn aufn Bergal, da steht a Soldat,
der hot in da Hosn Kartoffelsalat.
Holladiria, holladio, holladiria, holladio.
4. Da drobn aufn Bergal, da steht a scheens Haus,
da schauen drei Maderl zum Fenster heraus.
Holladiria, holladio, holladiria, holladio.
5. De erste is kropfat, de zwoate hat Läus,
de dritte hat Gelbsucht und werd nimma weiß.
Holladiria, holladio, holladiria, holladio.
6. Da drobn aufn Bergal, da raffn zwo Taubn,
da kimmt da Bocksepperl zum Federnzamklaubn.
Holladiria, holladio, holladiria, holladio.
7. Bald hupft er, bald springt er, bald draht er sein Huat,
sei Dirndl hoaßt Katherl und tuat eahm koa Guat.
Holladiria, holladio, holladiria, holladio.
8. Da drobn aufn Bergal, da hausn zwoa Schmied,
der oane bacht Krapfn, da anda ißt mit.
Holladiria, holladio, holladiria, holladio.
9. Warum is da Heuschreck auf oamal so staad,
ja weil eahm da Bauer an Kopf wegatgmaht.
Holladiria, holladio, holladiria, holladio.
10. Da drobn aufn Bergal, da steht a Gerüst,
da werden die Maderl elektrisch geküst.
Holladiria, holladio, holladiria, holladio.

T: Eine kleine Auswahl bekannter Schnaderhüpfel vom Typ "Da drobn aufn Bergal". M: Überliefert.

Nutzungsrecht: Öffentliches Singen/Musizieren ohne Genehmigung und Auführungsgebühr im Rahmen der Volksmusikpflege erlaubt. Nicht von der GEMA vertreten. Zum Kopieren siehe rechter Rand. Alle weiteren Nutzungen, insbesondere Bearbeitungen, Abdruck, Verbreitung in Funk, Fernsehen und neuen Medien, gewerbliche Nutzung, usw. vorbehalten. Bei Fragen wenden Sie sich bitte an:

www.volksmusikarchiv.de
83052 Bruckmühl, Krankenhausweg 39, Tel. 08062/5164, Fax /8694
E-Mail: volksmusikarchiv@bezirk-oberbayern.de

Volksmusikarchiv
Volksmusikpflege

bezirk  oberbayern